

Amaloota Gabroota Ar-Rahmaan-Kutaa 5.2

Description

Kutaa darbe keessatti hojii babbadoo gabroonni Ar-Rahmaan irraa fagaatan ilaalu jalqabne turre. Badiwwan gurguddoo keessaa shirkii ilaalle jirra. Harâ€™a immoo itti fufuun â€™ajjeechaaâ€™ ni ilaalla.

â€™Isaan Rabbiin waliin gabbaramaa biraa kanneen hin kadhanne, haqaan malee nafsee Rabbiin haraama godhe hin ajjeesnee fi zinaa (sagaagalummaa) hin raawwanneedha. Namni kana hojjate adabbii qunnama. Guyyaa Qiyaamaa adabbiin isaaf dachaa taâ€™a, kan salphifame taâ€™ee yeroo hundaa achi keessa jiraata. Nama tawbate, amanee fi hojii gaarii hojjate malee. Warra san Rabbiin hamtuu isaanii gaariitti jijjiraaf. Rabbiin Araaramaa, rahmata godhaa taâ€™eera. Namni tawbate fi hojii gaarii hojjate, dhugumatti inni gara Rabbii tawbaa dhugaa tawbata.â€™ Suuratu Al-Furqaan 25:68-71

Gabroonni Ar-Rahmaan warroota â€™haqaan malee nafsee Rabbiin haraama godhe hin ajjeesneeâ€™ dha. Amaloota gabroota Ar-Rahmaan keessaa nafsee Rabbiin ajjeechaa ishii haraama godhe haqaan malee hin ajjeesan. Hanga fedhe dallansuun gara kanaatti isaan kakaasu isaan keessatti osoo sochoâ€™eyyuu haqa Rabbiin itti ajajeen ykn hayyameen malee hin ajjeessan.

Nama nagaha Rabbiin akka ajjeefamu hin hayyamne ajjeessun badii gurguddaa keessaa tokko. Kanaafu gabroonni Ar-Rahmaan kanatti kufuu irraa garmalee of eeggatu.

Hundemaa amantii Rabbiin subhaanahu wa taâ€™aala namootaf karaa godhe keessatti nafsee namaa ajjeessun kan dhoowameedha. Sababni isaas, Rabbiin nafsee tana uumee fi addunyaa qormaataa keessatti gahee ishii akka taphattuu fi marsaa qormaataa akka dabartuuf wanta jireenyaaf barbaachisuu ishiif dhiyeesse jira. Qormaata kana booda Rabbiin biratti qorannoo fi jazaatu ishiif jira.

Garuu hawaasa ilma namaa keessatti fooyyaâ€™iinsaaf jecha nafsee namaa garii ajjeessun yeroo barbaachisaa itti taâ€™uu ni jira. Kanaafu, Rabbiin haala addaa ajjeechaan itti barbaachisu keessatti ajjeessu ni ajajee ykn ni hayyame. Haala kana keessatti ajjeechaan haqaan taâ€™a. â€™Haalonni nafseen namaa itti ajjeefamtu maal faâ€™a?â€™ jedhee namni gaafachu dandaâ€™a. Haalota kanniin Qurâ€™aanaa fi hadiisa irratti hundoofne haala kanaan tarreessu dandeenya: â€™Zulmii fi daangaa darbuun namni nama biraa ajjeesse, inni ni ajjeefama. Kunis seera Islaamaa keessatti Qisaasa (seera adabbii wal-qixxeessu-retribution) jedhama. (Ilaali- suuratu Al-Baqarah 2:178-179) Fakkeenyaaf, Ahmad osoo beeku nama Muslimaa tokko irratti daangaa darbuun yoo ajjeese, Ahmad ni ajjeefama. Garuu warri nama ajjeefame Ahmadiif dhiifama gochuun gumaa yoo barbaadan, Ahmad ajjeechaa jalaa ni baha.

â€™Dhiirri fuudhee fi dubartiin heerumte zinaa raawwatan, dhagaan buruqfamanii ni ajjeefamu. Garuu ajjeessun dura osoo hin dirqisisin ishiin/inni zinaa akka raawwate amanuu yookiin ragaaleen afur kan dhugaa dubbatan argamu qabu. Namoonni afran ragaa bahan kunniin, â€™Akka jirbiin qaawwa lilmoo keessa seentutti nuti isaa/ishii zinaa raawwatu ijaan argineâ€™ jechuun ragaa bahuu qabu. Yoo ijaan hin

argin ykn shakkiin yoo taâ€™e, ragaan isaanii fudhatama hin argatu.

•Hawaasa Musliimaa munaafiqoota fi warra ummata qoran irraa eeguuf namni Islaama irraa duubatti deebiâ€™e ni ajjeefama. Sababni namni kuni itti ajjeefamuuf â€™Aqiida (amantii) Muslimoota waan jalaa balleessufi.â€™

Ragaalee kanniin sadanii Hadiisa sahih taâ€™e irraa haala kanaan dhiyeessun ni dandaâ€™ama. Ergamaan Rabbii (SAW) akkana jedhan: â€™**Dhiiga nama Muslimaa Rabbiin malee haqaan gabbaramaan akka hin jirree fi ani Ergamaa Rabbii akka taâ€™e ragaa bahu jügsun hin hayyamamu haala sadiin keessaa tokkoon yoo taâ€™e malee: Nafsee nafseen (Qisaasa), nama fuudhee/heerumtee zinaa raawwate fi nama Islaama irraa duubatti deebiâ€™ee hawaasa [Musliimaa] irraa adda bahe.**â€™ [Sahiih Al-Bukhaari-6878](#), [Sahiih Muslim 1676](#)

Hubachiisa cimaa: akkaataan namoota armaan olii kanniin itti ajjeessan seera fi qajeelfama qaba. Imaamni ykn hogganaan Musliimaa seerotaa fi qajeelfamota kana hordofuun akka ajjeefaman ajaja. Namni dhuunfaa tokko akkanumatti lafaa olkaâ€™e gara ajjeechaatti fiigu hin qabu. Taâ€™uu baannan, badii guddaatu babalâ€™ata. Gara qaaditti ykn imaamatti namoonni yakka hojjatan kunniin dhiyeefamanii ajjeefamu.

•Dachii keessatti balleessaa (fasaada) babalâ€™isuuf namoota carraaqan. Balleessaan kunis namoota ajjeesu, namoonni karaa akka hin dabarree dhoowwun isaan ajjeesu fi qabeenya isaanii saamu. Haala isaanii irratti hundaaâ€™e namoonni kunniin ni ajjeefamu ykn ni rarraafamu ykn harkaa fi lukti isaanii ni murama ykn biyya keessaa ariâ€™amu (Ilaali suuratu Al-Maaâ€™ida 5:33)

•Musliimotatti warra duulanii fi ergaan Islaamaa ilma namaa hunda akka hin geenye kanneen karaa cufan ni ajjeefamu. Kaafironni Muslimootatti duulanii fi Islaamni akka hin babalâ€™anne gufuu taâ€™an ni ajjeefamu. (Ilaali suuratu Al-Baqarah 2:190-193)

Kunniin shanan haqa nama itti ajjeesun hayyamamuudha. Kanaan ala, Muslimas taâ€™ii kaafira nama nagahaa yakkaa ajjeechaatti nama geessu hin hojjanne ajjeessun badii guddaadha. Rabbiin subhaanahu wa taâ€™aala ni jedha:

﴿وَلَا تَقْتُلُوا النَّفْسَ الَّتِي حَرَّمَ اللَّهُ إِلَّا بِالْحَقِّ وَمَنْ قُتِلَ مَظْلُومًا فَقَدْ جَعَلْنَا لَوْلِيٍّ سُلْطَانًا فَلَا يُسْرِفُ فِي الْقَتْلِ إِنَّهُ كَانَ مَنْصُورًا﴾

•Haqaan malee nafsee Rabbiin [ajjeesu] haraama godhee hin ajjeesinaa. Nama miidhamuun ajjeefame, waliyyii isaatiif aangoo kenninee jirra. Ajjeechaa keessatti daangaa hin darbin. Dhugumatti inni tumsamaa taâ€™eera.â€™ Suuratu Al-Israa 17:33

•Nama miidhamuun ajjeefame, waliyyii isaatiif aangoo kenninee jirra.â€™ Nama haqa malee fi daangaa isarratti darbamuun ajjeefame, waliyyii isaatiif (namoota isa dhaalaniif) aangoo kenninee jirra. Aangoo kenninee jirra jechuun murtii shariâ€™aa Rabbiitii fi mootummaa Muslimaa seera

raawwachisutiin humna seera haqummaa hojii irra oolchu kennineefi jirra.^[1] Murtiin shariâ€™aa Rabbii nama haqa malee nama biraa ajjeese qisaasaan akka ajjeefamu murteessa. Motummaan Muslimaa seera Qisaasaa kana hojii irra oolcha. Gabaabumatti, firri nama zulmiin ajjeefame, yoo fedhan qisaasa barbaadu dandaâ€™u. Yoo fedhan immoo nama isa ajjeesef araaramu ykn gumaa fudhachuu dandaâ€™u.^[2] Kuni aangoo isaaniif kennameedha.

Araboota keessattis taâ€™i naannoo keenyatti, yommuu namni tokko haqa malee ajjeefamu, firri nama ajjeefame, takkaa fira nama ajjeesse ajjeesu takkaa immoo haala badaa nama san ajjeesu. Gocha akkana Islaamni â€œ**Ajjeechaa keessatti daangaa hin darbin**â€• jechuun ni dhoowwe. Kana jechuun firri nama ajjeefamee, ajjeessaa ajjeesu keessatti daangaa darbu hin qaban. Kan akka qaama isaa cicciruu yookiin fira isaa keessaa nama biraa ajjeesu ykn wanta inni hin ajjeesneen isa ajjeesu.^[3]

â€œ**Dhugumatti inni tumsamaa taâ€™eera.**â€• Firri nama ajjeefamee, nama ajjeesen ala nama biraa ajjeesun hin barbaachisu. Sababni isaas, warri nama ajjeefamee shariâ€™aa fi murtii Rabbiitiin kan gargaaramuudha. Akkasumas, motummaan Musliimaa namni ajjeese akka ajjeefamu isa gargaara.^[4]

Kanaan ala, lubbuu namaa akkuma argan fixuun adabbii guddaatti nama geessa. Keessumaayyu, lubbuu Musliimaa ajjeessun adabbii guddaaf nama saaxila. Rabbiin subhaanahu wa taâ€™aalaa lubbuu haqa malee baasun yakkaa gurguddaa keessaa yakkaa guddaa akka taâ€™e akkana jechuun ibsa:

وَمَنْ يَقْتُلْ مُؤْمِنًا مُتَعَمِّدًا فَجَزَاؤُهُ جَهَنَّمُ خَالِدًا
فِيهَا وَغَضِبَ اللَّهُ عَلَيْهِ وَلَعَنَهُ وَأَعَدَّ لَهُ عَذَابًا عَظِيمًا

â€œ**Namni osoo beeku muâ€™mina (nama amane) ajjeese, jazaan isaa achi keessatti kan hafu taâ€™e Jahannami. Rabbiinis isa irratti dallanee isas abaare jira. Adabbi guddaas isaaf qopheesse.**â€• Suuratu An-Nisaa 4:93

Namni qalbii isaa keessaa hanga firii xaafii hubannaa ykn sodaa Rabbii qabu balaa guddaa kanatti tarkaanfachuuf ni gootomaa? Dhugumatti balaan kuni balaa wantoota afur of keessaa qabuudha: Jahannam keessa yeroo dheeraaf turuu, Rabbiin irraa dallansuun namatti buâ€™uu, rahmata Isaa irraa fageefamuu fi darbamuu (abaarsa) fi adabbii (azaaba) guddaa.

Kuni adabbii nama muâ€™mina (nama Rabbiitti amane) ajjeeseti. â€œ**Namni kaafira eeggumsa Muslimoota jala jiru ykn wali galtee Muslimoota waliin qabu ajjeese hoo adabbiin isaa maalidhaa?**â€• jedhame gaafatamu dandaâ€™a. Deebii isaa hadiisa sahiih keessatti haala kanaan arganna: Abdullah ibn Amr akka gabaasetti Ergamaan Rabbii (SAW) akkana jedhan: â€œ**Namni nafsee Muâ€™aahad ajjeese foolii Jannataa hin fuunfatu, foolin ishii adeemsa waggaa afurtamaa irratti osoo argameeyyuu.**â€• [Sahiih Al-Bukhaari-6914](#) (Muâ€™aahad jechuun nama Muslimoota waliin wal galtee qabuudha. Akkasumas, mustaâ€™aman fi zimmiyy as keessa galu. Mustaâ€™aman jechuun nama kaafira taâ€™mee Musliimoota irraa nageenyi isaaf kenname biyya Muslimaa seenedha. Zimmiyy jechuun immoo bulchiinsa Musliima jalatti nama gibira kafaluudha. Namoota kanniin ajjeesun hin dandaâ€™amu.)

Namoonni gariin beekumsa hin qabne, â€œKaafirota kanniin osoo ajjeefne fixneâ€• jechuun dhaadatu. Kuni wallaalummaa isaanii agarsiisa. Kaafirri yoo Muslimatti hin duulin, ergaan Islaamaa akka babalâ€™matu hin dhoowwinii fi badii ajeechaatti nama geessu biroo hin hojjatin, ajjeessun hin dandaâ€™amu. Nama Musliima hin taane (kaafira) nagahaa ajjeessun Muslimoota irratti balaa meeqatu dhufa. Namni tokko jihaada jedhe nama nagaha ajjeesun dura yeroo kuma itti yaadu fi beekumsa barbaadu qaba.

Gabroonni Ar-Rahmaan balaa guddaa kana waan hubataniif lubbuu qulqulluu fi nagahaa ajjeessu irraa garmalee of eegu.

Kutaa kana hadiisa Abdullah ibn Masâ€™uud gabaasen haa xumurru. Abdullah Ibn Masâ€™uud akkana jedha: Ani akkana jedhe [Nabiyyii (SAW) gaafadhe], â€œYaa Ergamaa Rabbii! Zانبii (badii) kamtuu hundarra guddaadhaa?â€• Ergamaan Rabbiis (SAW) ni jedhan, â€œ**Rabbiin si uumee osoo jiru wanta biraa gabbaruun Isaaf dorgomaa gochuudha.**â€• Anis ni jedhe,â€• itti aanse kamiidhaa?â€• Innis ni jedhe, â€œ**Akka si waliin hin nyaanne ilma kee ajjeessudha.**â€• Anis ni jedhe, â€œitti aanse kamiidhaa?â€• Innis ni jedhe, â€œ**Niiti ollaa keeti waliin zinaa (sagaagalummaa) raawwachuudha.**â€• [Sahiih Al-Bukhaari 6811](#)

[1] [Maâ€™aariju Tafakkuri wa daqaaâ€™iqu tadabburi](#)-9/614

[2] Tafsiiru Xabarii 14/583

[3] Tafsiiru Saâ€™dii-fuula 531

[4] Maâ€™aariju Tafakkuri wa daqaaâ€™iqu tadabburi -9/614, Tafsiiru Ibn Kasiir-5/73

<https://islamqa.info/en/answers/128862/does-islam-regard-non-muslims-with-mercy-and-compassion>

Date Created

November 9, 2019

Author

admin